

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

2022

EMAMAKI: 80

SIKHATSI: Ema-awa 2

Leliphepha linemakhasi la-12.

TICONDZISO KULABAHLOLWAKO

1. Leliphepha lehlukaniwe tigaba LETINTSATFU:
SIGABA A: Siviso (30)
SIGABA B: Sifinyeto (10)
SIGABA C: Takhi netimiso tekusetjentiswa kwelulwimi (40)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dwebela ekugcineni kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/ lupelomagama nendlela lewakha ngayo imisho.
8. Kwehlukaniwa kwesikhatsi:
SIGABA A: Emaminithi 50
SIGABA B: Emaminithi 20
SIGABA C: Emaminithi 50
9. Bhala ngebunono nangesandla lesifundzekako.

SIGABA A: SIVISISO

UMBUTO 1

1.1 Fundza lethekesthi bese uphendvula imibuto lelandzelako.

ITHEKSTHI A

UMNOTFO WESIVE	
1	Umnotfo uyincenye lebalulekile kuleso naleso sive lesikhona kulomhlaba. Kubalulekile kutsi tive ngekwehlukahlukana kwato tikubeke embili kutfutukisa umnotfo ngobe ngiwo longumgogodla wesive. Lokunye lokungasita sive ekutfutukiseni umnotfo waso kuba nelwati lolukhulu ngetintfo letingemagugu aso leso sive letingalekelela kutsi umnotfo ucine ubuye ume sikhatsi lesidze. Kungako inhlango yase-England lebukene nekutfutukiswa kwemasiko netebuciko i-Royal Society ikubone kubalulekile kutsi isite tive letisentasi ne-Afrika ngetintfo letingasita ekutfutukiseni umnotfo. 5
2	Lenhlangano ibuye yasho kutsi tinyenti tintfo letingasita sive kutsi sitfutukise umnotfo waso. Letinye taletintfo nguleto letiphatselene nemlandvo wesive nemasiko, takhiwo letinemlandvo nekongiwa kwemvelo. Itsi emagugu, emasiko nemlandvo wesive kungaba sisekelo lesikhulu sentfutuko emkhakheni wetemnotfo. Kumele kucikelelwe kutsi bonkhe bantfu bayazuza ngekusetjentiswa kwemlandvo nemasiko abo. Konkhe loku kungasetjentiswa njengesisekelo sentfutuko etindzaweni tasemakhaya lapho ematfuba emnotfo angakavami khona. Lenhlangano itsi, kudzala emagugu esive bekatsatfwa njengetintfo letentive ngetandla, emabhilidi lakhiwa kudzala netindzawo letinemlandvo wesive. Muva nje, emagugu sekabukwa ngalelinye liso, sekahlanganiswa netintfo telive letingeke tatsintfwa ngesandla. Phela emasiko nalokunye kwadluliselwa etitukulwaneni letilandzelako bokhokho betfu. 10 15 20
3	Emagugu latsintsekako ngetandla, akasito tintfo nje letakhiwe ngesandla kuphela, kodwa acuketse tintfo letinyenti ngemlandvo wesive nangendlela letichazwa ngayo. Umbuto lomcoka ngukutsi emagugu esive angasetjentiswa njani kute bonkhe bantfu bazuza kakhulukati ngekweemnotfo. Lenhlangano yaseNgilandi itsi kunemlandvo lomudze wekufuna kusebentisa emagugu esive kute kuvuleke ematfuba emsebenti ngekuheha tivakashi letitewuvakasha tibone tinhlobonhlobo temagugu esive. Letivakashi tidzinga tindzawo lapho titawuhlala tiphindze tidle khona. Tidzinga netigitjelwa kute tihambele tindzawo letahlukahlukene lapho emagugu esive atfolakala khona. 25 30

4	I-Royal Society itsi, kusetjentiswa kwemagugu esive ngaloluhlobo kubanga inkinga lenkhulu kakhulu ngekutsi ematfuba emsebenzi lavuleka ngalendlela aba mancane kantsi futsi awaholeli imali lebonakalako. Uma sitsatsa simo saseNigizimu Afrika, ngenyanga yemasiko kuba netinhlelo tekutfufukisa umnotfo emimangweni. Ngalenyanga ematfuba emsebenzi angadaleka ngaloko kodvwa nawo acondzana nalomgubho kuphela. Loku kucindzetela intfutuko kutemnotfo njengoba bantfu labacashelwa imisebenzi lecondzene nekuhlelwa kwalomgubho basebenta sikhashana nje, baphindze bayohlala emakhaya uma sekwedlulile.	35 40
5	Kutfufukiswa kwetindzawo tasemakhaya ngetinhlelo tekuvakasha kuhangabeta netinkinga. Emabhizinisi lasungulwe bantfu basemakhaya njengetindzawo tekulala nekutsengisa aba nesikhatsi lapho imali ingangeni khona ngobe tingekho tivakashi. Tivakashi letiphuma emaveni langesheya kumele tihlele kahle ngembikwekuhambela lamanye emave. Batali bebantfwana labafundzako bahlela emaholide abo acondzane nekuvalwa kwetikolo. Labanye bavame kutsatsa emaholide ngesikhatsi sasebusika emaveni ase-Europe nase-USA bese bavakashela e-Afrika. Bahlali bakuleli nabo batsatsa emaholide ngendlela lefanako. Batali labanebantfwana labafundzako batsatsa emaholide uma kuvalwe tikolo nome ngemphelasontfo lendze.	45 50 55
6	Emabhizinisi lasetindzaweni letisemakhaya lasungulelwe kuhlomula ngetekukhibika ababhizi nangabe leyondzawo ivakashelwa kakhulu. Kunesikhatsi lapho bangazuzi lutfo khona ngobe kungekho tivakashi letivakashako. Tisebenzi leticashwako ticashwa kwesikhashana futsi ticondzaniswe nesikhatsi lapho umcashu ati khona kutsi kunetivakashi letitako. Kugwema lenkinga kudzingeka kutsi yonkhe lemikhakha lemitsatfu yahulumende wavelonkhe, betifudzave namasipala basebente ngokubambisana. Yinkhulu indzima lengadlalwa baholi bendzabuko netinhlangano temphakatsi.	60
7	Kumele babe naletinye tindlela labosomabhizinisi tekungenisa imali. Bangasebentisana nembhoni yemifanekiso, baculi, badwebi kanye nemikhicito yendzabuko njengebuhlalu nemabhebha. Lembhoni inekuchumana lokukhulu nemagugu esive. Lomkhakha unelichaza lelikhulu ekutfufukiseni umnotfo welive jikelele.	65


[Itsetfwe ephephandzabeni ku-ILANGA, Mabasa 8–10 likhasi 15]

- 1.1.1 Nguyiphi lenhlangano lebukelele kutfufukiswa kwemasiko nemagugu esive lebalwe kupharagrafu yekucala? (2)
- 1.1.2 Ngekwalenhlangano ngutiphi tintfo letibalwe ngaphasi kwemlandvo wesive? Bhala KUBILI. (2)
- 1.1.3 Bhala KUBILI lokungaba tinkinga kubosomabhizinisi basetindzaweni letisemakhaya ngekwepharagrafu yesitfupha? (2)

- 1.1.4 Bhala kutsi angasetjentiswa njani emagugu esive kute bonkhe bantfu bazuze? Bhala KUBILI. (2)
- 1.1.5 Letindzawo letinemlandvo lomudze tiwutfufukisa njani umnotfo wesive? (2)
- 1.1.6 Bhala tinkinga LETIMBILI letingabanga kucindzeteleka kwemnotfo wesive ngekwepharagrafu ye-4. (2)
- 1.1.7 Letheksthi inawuphi umlayeto kubosomabhizinisi? (2)
- 1.1.8 Bosomabhizinisi bangasitakala njani ngekutsi emabhizinisi abo angenise imali? Bhala KUBILI. (2)
- 1.1.9 Ngutiphi tindlela LETIMBILI letingasetjentiswa bosomabhizinisi labancane kutfufukisa emabhizinisi abo? (2)
- 1.1.10 Ucabanga kutsi kubaluleke ngani kugcina emasiko nemlandvo wesive? Bhala emaphuzu LAMATSATFU. (3)
- 1.1.11 Utsini umbono wakho ngekugcinwa kwemasiko nemagugu esive elusheni lwalomuhla? Sekela ngemaphuzu LAMATSATFU. (3)

1.2 Bukisisa lesibonwa bese uphendvula imibuto lelandzelako.

ITHEKSTHI B



[Itsetfwe: www.google.com]

1.2.1 Bhala lulwimi lolusetjentiswa kakhulu kwengca tonkhe tilwimi letivetwe kulesibonwa. (1)

1.2.2 Khetsa KUNYE kuloku:

Nguluphi lulwimi lolufanele lengetwe kuleti le-11?

- A Lulwimi LweSiswati
 - B Lulwimi LweSingisi
 - C Lulwimi LweSintfu
 - D Lulwimi Lwetimphawu
- (1)

1.2.3 Kuletheksthi lengenhla ngutiphi tilwimi LETIMBILI letilinganako? (2)

1.2.4 Chaza kutsi kubangelwa yini kutsi Hulumende waseNingizimu Afrika avumele tilwimi leti-11 kutsi tibe semtsetfweni? (2)

SAMBA SESIGABA A: 30

SIGABA B: SIFINYETO

UMBUTO 2

Fundza lethekesthi bese uyayifinyenta uvete emaphuzu LASIKHOMBISA lamayelana **nebhule bekusebentela ekhaya.**

CAPHELA

1. Bhala emaphuzu LASIKHOMBISA ngemisho legcwele, ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C

KUSEBENTELE EKHAYA

Kusebentela ekhaya kukhombisile kutsi kunetintfo letinyeti letinhle ngako. Leto tintfo tente imphilo yebasebenti nebaphatsi kutsi ibe malula nemsebenti lowentiwako ujatjulelwe nguwo wonkhe umuntfu. Letintfo tifaka ekhatsi kongiwa kwemali yaphetiloli kubasebenti nekuvimbela kuminyana kwetimoto emigwacweni. Loko kube sibusiso lesikhulu eveni ngobe bekusita nekwehlisa tingoti temgwaco. Kusebentela ekhaya kwehlisa lizinga lekucindzeteleka emigwacweni ngenhloso yekujaha kufika emisebentini ngesikhatsi. Kujahela emisebentini netinkinga tasemigwacweni tenta basebenti bangakhoni kusebenta kahle ngobe bafika emisebentini badzinwe yindlela.

Lokunye lokuhle kwetfulwa kwemikhicito ngekushesha ngobe basebenti bayakhona kuvuka ekuseni bacale kusebenta kusenesikhatsi futsi bangakadzinwa. Loku kwenta tinkampani tinganelwe yimali lenyenti. Kusebentela ekhaya kuphindze kwaba nemtselela lomuhle wekutsi bantfu bakhone kucitsa sikhatsi lesinyenti nemindeni yabo ngobe umuntfu usuke asekhaya kusukela ekuseni kuye entsambama. Kusebentela ekhaya kunciphisa lizinga lekucabana kwebasebenti lokuvimbela inchubekela embili. Labanye batifola bacabana nalabanye basebenti kungenasidzingo bese baphatsi batfwala bumatima ngekungagcinwa kwetinhloso tenkampani kuloku kunakanwe nekucatulula leto tinkinga.

Kusebentela emakhaya kusita baphatsi kutsi bacashe bantfu labanemakhono lababatekako. Bekulula emuntfwini kwekutsi awutsatse umsebenti ngobe utawusebentela ekhaya, loku kubukeka kungabiti kakhulu. Loku kube nemvuzo lomkhulu nakubaphatsi imbala ngobe basebentisa imali lencane yekubhadala tindzawo tekusebentela netintfo letidzingwa basebenti njengelitiya netintfo labasebenta ngato. Baphatsi babuye bakhone kubona basebenti labetsembekile labenta umsebenti ngekutimisela bangabhaci ngalabanye kwentela kutsi nasekuncishiswa tisebenti kube malula kubo kukhipha umuntfu longaletsi inzuzo enkampanini.

[Itsetfwe ku-ILANGA, March 2021 likhasi 8]

SIGABA C: TAKHI NETIMISO TEKUSETJENTISWA KWELULWIMI

UMBUTO 3: SIKHANGISI


Fundza lesikhangisi bese uphendvula imibuto lelandzelako.

ITHEKSTHI D

**PHILA IMPHILO LEMNANDZI
NGE-ITHANETHI YAKABAMBANANI.**

Hambisana nesikhatsi Walala Wasala Wena!

1. Emafremu etitfombe tetfu nguwo kuphela langaphuki.
2. Tinkomishi tetfu tenta tinatfo tibemnandzi.
3. Titfombe temapasipoti netemapasi kubanguwe lucobo.
4. Sikwentela umlandvomphilo ucashwe masinyane.



I-WIFI MAHHALA

[Itsetfwe ku: www.advert.com]

3.1 Kungani lamagama esicubulo abhalwe ngalokwehlukile kulesikhangasi? (1)

3.2 Khetsa YINYE imphendvulo.

Bhala ligama lelimfutiselo weligama lelidvwetjelwe kulomusho longentansi.

Tinkomishi tenta tinatfo tibemnandzi.

- A Liphalishi
- B Litya
- C Likhiwa
- D Litsanga

(1)

- 3.3 Bhala KUBILI lokungenta kube matima kutfola lemikhicito lekulesikhangisi? (2)
- 3.4 Nguyiphi inkhulumo lekhomba kugcugcutela kulesikhangisi lesingenhla? Usho ngani? (2)
- 3.5 Nguyiphi intfo lengenta bantfu labasha batsandze kuvakashela kulenzawo lekulesikhangisi njalo? (2)
- 3.6 Ucabanga kutsi lenkhulumo lengentansi letsetfwe kulesikhangisi iyakholweka yini? Sekela imphendvulo yakho. (2)
- 'Emafremu etitfombe tetfu ngiwo kuphela langaphuki.' (2)
- [10]

UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHEKSTHI E

IFREYIMU YE-1

Yebo! Ngaze ngacedza!
Ngisebente kwangatsi
ngingungcondvomshini.
Sengitawukhona kuhamba
ngiyoshaywa ngumoya.

IFREYIMU YE-2

Sengicedzile kufundza make.
Aninginaki nilitjatiswa tintfo
tetfu tsine bantfwana.

Banjalo vele
bantfwana
bebafana
abafuni kubona
bantfu
labadzala
batiphumulele.

[Itsetfwe ku-www.google.com]

- 4.1 Bhala lomusho longentasi udvwebele ligama lelisibanjalo. (1)
- Sengitawukhona kuhamba ngiyoshaywa ngumoya.

4.2 Khetsa YINYE imphendvulo.

Shano kutsi leligama lelicindzetelwe efreyimini ye-1 liluhloboluni:

- A Lenzabuko
- B Lelididanako
- C Lethekhnikhi
- D Lelimfakela

(1)

4.3 Bhala lokulekhathuni lokukhomba kutsi labatali abanasikhatsi salomntfwana wabo.

(2)

4.4 Bhala imiva levetwa ngulomfana ubhekise efreyimini ye-1 neye-2.

(2)

4.5 Ngabe lamavi alomntfwana latsi, 'Aninginaki nilitjatiswa tintfo tetfu tsine bantfwana' aliciniso nobe aliphutsa yini? Sekela imphendvulo yakho.

(2)

4.6 Lenkhulumo ledvwetjelwe efreyimini ye-2 itsatsa luhlangotsi. Chaza.

(2)

[10]

UMBUTO 5: IPHROZI

5.1 Fundza lethekesthi bese uphendvula imibuto lelandzelako.

ITHEKSTHI F

KUNGABAMBISANI KWEMAPHOYISA NEMPHAKATSI

- 1 Kungabambisani kwemaphoyisa nemphakatsi sekubange tinkinga letinyenti emphakatsini lesihlala kuyo. Bahlali bakhala ngemacembu etigebengu latentela matsandza emphakatsini. Batsi kulukhuni ngisho nekutfuma bantfwana esitolo ngobe babanjwa inkunzi futsi bantfu bayabulawa kuhle kwemaphela. Bakhala nangekungabonakali kwemaphoyisa emigacweni abuke simo sebugebengu. 5
- 2 Babika konkhe loku emhlanganweni lobewungemphelasontfo lapho bekunaNgongoshe wemaphoyisa wakuleli, Mnumzane Themba Dlamini. 'Labasikati nebantfwana bayafa, bayahlukunyetwa, asati kwekutsi siyokhala kubani ngobe nawo emaphoyisa ayabulawa,' kusho Nkhosatana Mhlongo. Lelinye lilunga litse bayatiwa labantfu ngumphakatsi. Baye nekuyewubikela emaphoyisa kepha nawo atitsela ngalabandzako. Waveta nekutsi sebaphila ngekwesaba ngobe lamanye emaphoyisa asebensana nato letigebengu. 10
- 3 Mnumzane Dlamini ukubeke kwacaca kutsi onkhe emaphoyisa langafuni kubambisana nemphakatsi, lijazi litawugcwala umoya. Emaphoyisa akasukumele etulu nangabe umphakatsi ubika tigateko tebugebengu abe liso lahulumende. 15

[Itsetfwe ku-Mpumalanga News, likhasi 3]

- 5.1.1 Phindza ubhale lomusho langentasi bese esikhundleni seligama lelidvvetjelwe ubhale mcondvofana walo.
Bahlali bakhala ngemacembu etigebengu. (1)
- 5.1.2 Khetsa YINYE imphendvulo. Shano kutsi lomusho longentasi umumetse siphil sinongo senkhulumo.
'Bantfu bayabulawa kuhle kwemaphela.'
A Sihabiso
B Sifanisongco
C Simuntfutiso
D Sifaniso (1)
- 5.1.3 Lungisa emagama laneliphutsa lelulwimi kulemisho lengentasi.
Bhala timphendvulo kuphela.
(a) Bakhala ngekungabonakali kwemaphoyisa emigacweni. (1)
(b) Babika konkhe loku emhlanganweni lobewungemphelasontfo naNgongoshe. (1)
- 5.1.4 Bhala umcondvo loletfwa nguletakhi letidvvetjelwe kulemisho lengentasi.
(a) Baye nekuyewubikela emaphoyisa. (1)
(b) Labasikati nebantfwana bayafa, bayahlukunyetwa. (1)
- 5.1.5 Cala lomusho longentasi nga Cha ...
Emaphoyisa atitsela ngalabandzako. (2)
- 5.1.6 Endzimeni yesitsatfu khokha siga senkhulumo lesichaza kucoshwa usisebentise emshweni lotakhele wona. (2)
- 5.1.7 Hlanganisa lemisho lemibili ngesihlanganiso lesifanele.
Emaphoyisa akasukumele etulu. Emaphoyisa akabe liso laHulumende. (2)
- 5.1.8 Bhala lomusho longentasi ube yinkhulumombiko.
'Nawo emaphoyisa ayabulawa.' Kusho Nkhosatana Mhlongo. (2)

5.2 Fundza lesitfombe bese uphendvula imibuto lelandzelako.

ITHEKSTHI G



[Itsetfwe ku-www.google.com]

5.2.1 Khetsa YINYE imphendvulo. Shano kutsi lomusho lobhalwe ngalokugcamile kulesitfombe lesingenhla ukuyiphi indlela yesento:

- A Indlela leyamile
- B Indlela lephocako
- C Indlela lecondzisako
- D Indlela yesimo

(1)

5.2.2 Dvwebela sabito selucobo kulomusho longentasi.

Ulivila kabi wena.

(1)

5.2.3 Gucula emagama ladvwetjelwe kulesitfombe lesingenhla abe sebunyentini.

(2)

5.2.4 Cala lomusho ngeligama lelitsi, 'itolo ...'

'Bengitsi ngiyacedza kwasekuhamba gezi.'

(2)

[20]

SAMBA SESIGABA: C 40
SAMBA SAKO KONKHE: 80